



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-43790-3/19
Sarajevo, 19.12.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na **52. sjednici održanoj 19.12.2019. godine**, donijela je sljedeći

ZAKLJUČAK

1. Prima se na znanje Informacija o provedenim aktivnostima na unapređenju rada Roditeljske kuće.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Skupština Kantona Sarajevo
4. Premijer Kantona Sarajevo
5. Ministarstvo zdravstva 2x
6. Evidencija
7. A r h i v a



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva



Босна и Херцеговина
Федерација Босне и Херцеговине
КАНТОН САРАЈЕВО
Министарство здравства

Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

INFORMACIJA
O PROVEDENIM AKTIVNOSTIMA NA UNAPREĐENJU
RADA RODITELJSKE KUĆE

Sarajevo, novembar 2019. godine



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



I Udruženje „Srce za djecu“

Udruženje „Srce za djecu oboljelu od raka“ osnovano je u aprilu 2003. godine, sa adresom Betanija bb. Od tada inicijalne ideje neformalne grupe roditelja i prijatelja djece oboljele od raka izraslo je u respektabilnu organizaciju koja broji preko 400 članova. Djeci oboljeloj od raka i njihovim porodicama pruža se smještaj, hrana i psihosocijalna podrška, kao i pomoć u nabavci neophodnih lijekova, medicinske opreme i ortopedskih pomagala, te pomažu kod liječenja i izmještanja u inostranstvo.

Udruženje je od oktobra 2003. godine član Childhood Cancer International (CCI), najveće svjetske mreže udruženja koja se bore protiv dječijeg raka i koja broji 188 organizacija iz 96 zemalja sa 5 kontinenata. Takođe imaju jako dobru saradnju sa domaćim, regionalnim i međunarodnim organizacijama koje se bave liječenjem djece oboljele od raka, kao i institucijama vlasti u BiH, a koja je direktni rezultat transparentnog i odgovornog poslovanja.

Rad Udruženja se ogleda kroz 4 osnovna polja djelovanja:

1. Roditeljska kuća

Roditeljska kuća je otvorena u aprilu 2016. godine i nalazi se u Sarajevu, u krugu Pedijatrijske klinike Jezero. Posjeduje 700m² korisnog prostora, od toga 10 porodičnih apartmana sa kupatilom, zajedničku kuhinju i dnevni boravak, multifunkcionalnu salu sa igraonicom, vešeraj, krovnu terasu i uređene zelene površine sa prostorom za relaksaciju i igru. Roditeljska kuća ima energetski certifikat A i koristi solarnu energiju za pripremu potrošne tople vode.

Roditeljska kuća pruža oboljeloj djeci i njihovim porodicama drugi dom, porodičnu atmosferu i mjesto, na kojem bar na trenutak, mogu zaboraviti na bolničko liječenje. Do sada je u Roditeljskoj kući boravilo preko 200 porodica, što čini oko 80% iskoristivog kapaciteta Roditeljske kuće. Imaju izuzetnu saradnju sa medicinskim osobljem na Hematoonkološkom odjeljenju Pedijatrijske klinike i Klinike za dječije bolesti KCUS.

2. Psihosocijalna pomoć i podrška

Borba sa ovom teškom bolešću je izrazito teška i iscrpljujuća, kako za dijete, tako i za cijelu porodicu, jer seiz temelja mijenja život cijele porodice. Neizvjesnost, promjena životnih navika, boravak u bolnici, teške i bolne procedure, strahovi i ostale popratne pojave predstavljaju situacije koje zahtijevaju izuzetnu psihičku stabilnost. Zbog svega toga, emotivna i psihosocijalna podrška djeci i njihovim porodicama, je po važnosti odmah iza kvalitetnog liječenja.

Program psihosocijalne podrške rezultat je dugogodišnjeg rada i iskustva s oboljelom djecom i njihovim porodicama i podrazumijeva kontinuirano praćenje djeteta od samog uspostavljanja dijagnoze, te kroz sve faze bolesti. Kroz kreativne radionice koje se realizuju na Hematoonkološkom odjeljenju i u Roditeljskoj kući, pokušava se normalizirati dječija svakodnevnicu narušena malignim oboljenjem. Pored navedenog, tokom liječenja, u okviru programa psihosocijalne podrške, nude se i usluge fizioterapije za djecu oboljelu od raka, uz prethodno savjetovanje sa medicinskim osobljem hematoonkoloških odjeljenja.

Svakodnevno se suočavajući sa mnogim problemima djece oboljele od raka, Udruženje je u 2017. godini pokrenulo projekat „Moja kosa tvoja kosa“. U okviru ovog projekta izrađuju se medicinske perike od prirodne kose za djecu iz Bosne i Hercegovine koja imaju privremeni ili trajni gubitak kose zbog liječenja ili bolesti. Projekt ima za cilj da psihološki osnaži djecu i mlade usljed šoka od gubitka kose, da im ojača samopouzdanje i da im olakša povratak u škole i matičnu sredinu nakon liječenja, gdje se neće osjećati drugačije i marginalizirano.

3.Rehabilitacija

Liječenje od malignog oboljenja je veoma dug, težak i traumatičan proces, koji zahtijeva kontinuiranu i dugotrajnu izolaciju djeteta od društva i koji uvijek rezultira narušavanjem normalnog djetinjstva. Djeci nedostaje njihov dom, matična sredina i sve one aktivnosti koju ostala djeca nesmetano obavljaju. Udruženje, svake godine, pruža posebno osmišljen program rehabilitacionog kampa za djecu oboljelu i liječenu raka i njihove roditelje. Cijeli program je besplatan, a rehabilitacija i programske aktivnosti kampa doprinose uspostavljanju psiholoških veza između roditelja koji dijele slična iskustva i protokole liječenja. Program terapijske rehabilitacije i rekreacije također je namijenjen i djeci oboljeloj od raka koji se još uvijek nalaze na terapiji održavanja i čije stanje i liječenje još uvijek zahtijeva izolaciju u određenoj mjeri. Tako oni imaju priliku boraviti na planini sa svojom užom porodicom, te na taj način ostvariti ponovni dodir sa vanjskom sredinom i napraviti prve korake ka integraciji u društvenu zajednicu.

4.MladiCe – mreža mladih izliječenih od raka

MladiCe predstavljaju mrežu mladih izliječenih od raka i osnovani su 2011. godine po uzoru na evropske grupe mladih liječenih od raka i trenutno broje 25 članova, a ovaj broj je u stalnom porastu. Neke od njihovih glavnih aktivnosti su podrška oboljelim mališanima i njihovim roditeljima, te volontiranje u Roditeljskoj kući i rehabilitacionim kampovima. MladiCama se mogu pridružiti svi koji su liječeni od raka, a imaju 18 godina ili više i možda je najvrednije od svega to što vlastitim iskustvom i primjerom pokazuju da je rak pobjediv!

II Podrška radu Udruženja

U Budžetu Kantona Sarajevo za 2019. godinu na razdjelu Ministarstva zdravstva obezbijedena su sredstva u iznosu od 75.000,00 KM za sufinansiranje rada Udruženja „Srce za djecu oboljelu od raka“. Navedenim sredstvima, u skladu sa zahtjevom Udruženja, sufinansiraju se troškovi Programa psihosocijalne pomoći i podrške oboljeloj djeci i njihovim roditeljima u Roditeljskoj kući, usluge održavanja objekta i režijski troškovi.

Ministarstvo zdravstva Kantona Sarajevo i Udruženje „Srce za djecu oboljelu od raka“ zaključili su Ugovor o sufinansiranju Udruženja „Srce za djecu oboljelu od raka“ u vrijednosti od 75.000,00 KM, broj: 10-14-21149/19 od 28.05.2019. godine.

Navedenim ugovorom finansiraju se slijedeće aktivnosti:

- realizacija Programa psihosocijalne pomoći i podrške oboljeloj djeci i njihovim roditeljima u Roditeljskoj kući (rad socijalnog radnika, psihologa, psihoterapeuta) u iznosu od 39.100,00 KM;
- održavanje Roditeljske kuće (higijeničar, službenik za tehničke poslove) u iznosu od 13.400,00 KM
- administrativni troškovi (režije, sredstva za higijenu, artikli za kuću i oprema za apartmane) u iznosu od 22.500,00 KM.

Sufinansiranje se vrši u jednakim mjesečnim tranšama, a Udruženje mjesečno dostavlja dokumentaciju o utrošku doznačenih sredstava.